



Šemsudin Mehmedović

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

Broj: 01- 561/25

Sarajevo: 13. 8. 2025. godine

PRIMLIJENO: 13-08-2025			
Organizaciona jedinica	Klasifikaciona oznaka	Redni broj	Broj priloga
01-	10-1-	1806	25

PREDSTAVNIČKI DOM

PARLAMENTARNE SKUPŠTINE BOSNE I HERCEGOVINE

n/r predsjedavajućeg

U skladu s čl. 170. i 171. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19, 53/22, 59/23, 87/23 i 50/24) postavljam sljedeće

**ZASTUPNIČKO PITANJE ZA
SEKRETARIJAT PARLAMENTARNE SKUPŠTINE
BOSNE I HERCEGOVINE**

1. Na osnovu kojeg općeg pravnog akta je Kolegij Sekretarijata Parlamentarne skupštine Bosne i Hercegovine (u daljnjem tekstu: Kolegij Sekretarijata) pojedinim zaposlenim odobravao korištenje do četiri dana plaćenog odsustva godišnje radi zadovoljavanja vjerskih, odnosno tradicijskih potreba, a ne dva dana kako je utvrđeno zakonom i u Izvještaju Ureda za reviziju institucija BiH o obavljenoj finansijskoj reviziji Parlamentarne skupštine BiH za 2024. godinu? Potrebno je dostaviti podatke o imenu, prezimenu i poziciji svih zaposlenih koji su koristili više od dva dana plaćenog odsustva po navedenom osnovu u 2024. godini.

2. Na osnovu kojeg općeg pravnog akta je Kolegij Sekretarijata donio rješenje za dva zaposlenika sa srednjom stručnom spremom da, pored svog radnog mjesta, istovremeno obavljaju poslove drugog upražnjenog radnog mjesta državnoga službenika, jer zakonima Bosne i Hercegovine nije predviđena mogućnost da se rješenjem rukovodioca institucije zaposleni mogu raspoređivati na druga radna mjesta radi sticanja radnog iskustva, a što je utvrđeno i u Izvještaju Ureda za reviziju institucija BiH o obavljenoj finansijskoj reviziji Parlamentarne skupštine BiH za 2024. godinu?

U skladu s članom 171. st. (2) Poslovnika Predstavničkog doma odgovor u pisanoj formi mora se dostaviti u **roku od 30 dana** od dana kada je pitanje dostavljeno onome kome je upućeno.

S poštovanjem,

ZASTUPNIK PS BiH
Šemsudin Mehmedović